


LENOX LIBRARY




Lenox Collection.
1870.



John Carter Brown
Library
Brown University





**Botschafft des Groszmech-
tigsten Königs Dauid / auß dem
grossen vñ hohen Morenland / den man
gemeinlich nennet priester Johan / an Babst
Clemens den Sibenden / zu Bononia
verhört in offnem Consistorio am
xxix. tag Januarij Anno
M. D. xxxij.**

¶ Dieses Büchleins inhalt.

**Erstlich / Ein kurze Beschreibung des Morenlands /
samt der handlung im Consistorio.**

**zum andern / ein Sendbrieff des Königs von Portu-
gal an Babst Clement den Siebenden.**

**zum dritten / Ein Sendbrieff des Moren Königs / an
König Emanuel von Portugal.**

**zum vierden / Ein Sendbrieff des Moren Königs /
an König von Portugal.**

**zum fünfften / zwen Sendbrieff des Moren Königs
an Babst Clement.**

**Ein kurz Sumarium von dissem Moren König / sei-
ner Völkern / vnd iren Sitten am Ende dises Buchleins.**

**¶ Zu letzt / Ein Sendbrieff des Bischoffs der grossen
Stadt Temirtitan in der Newen erfundenen
welt / gen Tolosa in France
reich geschriben.**

Glorrede von gelegenheit des Morenlands.

rot. Reich stein i
seinem titel. Es
sein yr aber viel
mehr/ nēlich. lēg
wie vndē am en
de gesagt wirdt

Mitten in dem lād Affrica / welchs der drittheil
der welt geachtet wirdt/ seind die Moren / Abis-
sini genant / Bey welchem weyt vnnnd breyt
mehdtiglich herschet der gros Keyser Dauid / den man ge-
meinlich nennet Preteriannes/ das ist/ Priester Johan/ Sei-
nem gepiet seind vnderthan / xvi. reiche Könige/ vnd neh-
men von yhm Gesetz / der massen / das sie yre Königreich
mehr aus frembden dan aus eiginem Rechten besizen. Er
aber hat sein Keiserthumb von altem stammen vnd herkö-
men aus Königlichem geblüte. Ist starck von leib / frisch
von alter/ vnnnd ober alle Könige der ganzen welt mecht-
tig an leuthen vñ reichthumb. Vnd welchs ein sonderlich
vñ geheuffte glückseligkeit/ ist er nie von keinem mit kriegē
vberwunden/ aber viel vnd offtmals hat er andere geschla-
gen/ lebt nñ in hohem vnd herlichem frid.

Troglodyte wo-
nen vnter dem
erdrich inn grū-
ben der grossen
hiz halben.

Gegem Mittag hat er Troglodytas/ ein nacket volck/
ganz schwarz/ welchs gar nichts weys oder hat von Bür-
gerlichem vñ höfflichem leben/ weyl es in ym heissen vñ
dürren land wonet/ vnnnd weder vom Erdrich noch vom
hymel was gñths erlangt. Jedoch grebt es gold/ gibt helf-
senbain vñ Edelgestain/ die es meisterlich in durrē santi-
ger wüsteneyē zusuchen weys. Es erkennē auch keinē andern
Gott dann Sonn vnd Mon / vnd helt zumoraus den Mo
in grossen Eren vnd verwunderung/ das er bey der nacht
nach vntergäg der Sonnē vñ grosser hiz erkület vñ liecht
gibt/ vnd er allein gñtlich vñ bequēlich / wider befestigūg
der Soñen/ mit kühlung vñ schein zu hülff kumpt.

Manicongi.

Gegem Vidergang wonet ein König Manicongori/
welches Königreich seer gros/ vñ das erdrich mehr frucht-
bar ist. Denn mitten dardurch laufft ein wasser mit namen
Gabra/ welchs in der grösse/ im wachsen/ vñ in menig der



Crocobilen vñ fische fast gleich ist dem Tillo / vnd erseucht
das erdrich offte mit ans lauffen / macht auch etliche Ins-
seln vñ fleust in das groß Atlantisch Meer. Diser König
hat neulich den Christen glauben angenomē von den Por-
tugaleisen / in welcher trawen vñnd gewalt er sich willig-
lich ergeben hat.

Gegem wind / Suden oder Austro / seind die langthari-
gen Noien / welche mit gespitztem vñnd fürhangendem
land heraus zum hohe Meer streichē biß ans gepirg / Gu-
ther hoffnung genant / welches volck / wie es vnter dē Cir-
kel Capricorno ligt / hat es farb wie ein reysse olina. Seid *Nettopes capilla*
vñ leib ein wenig schwancf er vñ subtiler / das sie mit lauf-
fen einem rennenden pferd entfliehen. Von diesem volck
welchs mit listiger vñnd tückischer grausamkeit erschöck-
lich / ist vmb komen Franciscus Almedius / als er bey dem
Born Saldanio süß wasser holet / nach dem er auß India
abzog / mit sighaffter Armada / wider anheym in Portugal
mit triumpff zuschiffen / denn er in India grosse ding aus-
gericht hätte.

Gegem Auffgang der Sonnen wont ein König Bar-
negasioium / dem ob gemeltem Keiser David vnterwoiffe
stößt biß an das Arabisch Meer bey der krümme / Adalico *Barnegass.*
genant / auff der linckē hand / als man durch die enge in dz
rote Meer faren wil / Da ist ein Insel mit namen Delaca /
die hat ein anschiffung / vñ am nechste land ist ein portus /
mit namen araquincus / dz man da selbs leichelich komen
mag zu den innern Abissinern / sicher vñ fridlich / den alles
befridt vñ freund ist. Der König Barnegasioium vñ sein
volck / seind nicht recht schwarz / sonder mit gelblicht vñ
kupfferer schwertz gefeibt. Seind von leib / von gwehr / vñ
kleidung vñnd art nicht viel vnterschiedlich von Arabern
vñ Egyptern. Den sie zu wasser vñ zu land viel gemein-
schafft vñnd hanttirung mit yhnen haben / daher sie solchs
entpfahen.

Aber das gang land vñnd gepiet des kaisers David / hat

Ein land das al-
le ier zwen Sömer
er vñ zwue Ernd
hat.

fast in allen dingen groß vñnd manigfaltige vnterscheid
weil es vom Cirkel Cancr/ biß zum Cirkel Capicorni mit
vñnmesslicher weyte sich außstreckt. Da her es dan von nö-
then ist/ so die Natur nach der Sönen lauff alle ding ver-
wandelt/ das an einem ort sanffte/ am andern ort hartte
lufft sein mus/eins vñmbs ander/ kelte vñd hize/ nach dem
ein yegliche gegent mehr oder wieniger von der güttheit
des mitlern Cirkels abweicht. Den do selbst haben die leu-
the alle ier zwē Sömer vñ zwue reiche ernd/ do das erdrich
so fett ist/ das ierlich zwyr geseet vñ zwyr geschnit wird.

Fünff bücher vñ
selbigem land.

Es hat aber des Kaisers David Botschafft/ Franciscus
Aluarez von den selbigē Abissiner Moen ein gros Buch
gebracht/ in fünff Bücher geteilt. Im erste wirdt das gāz
land eigentlich beschriben/ mit anzeigung der Grenzen/
vñnd anmerckung der taglenge/ abgemessen nach des hy-
mels lauff/ wie es der welt beschreibung gibet/ darin auch
vom vrsprung des grossen wassers Nili/ vñd von vrsachen
seines außlauffens/ viel schöne vñnd wunderliche ding er-
zelt werden. Im andern buch wirdt weytlauffig gehan-
delt/ von des Erdrichs fruchtbarkeit/ von art des getrey-
des/ vñd von mancherley fruchten vñd gewachsen. Im
dritten/ von thieren vñ vögeln/ von größe der wilde thier
zuuor aus von Elephanten/ welcher herte mit grosser an-
zal gesehen werden im büschen vñd offenen feldern. Im
vierden/ wirdt tractirt von natur vñd sitten der Abissiner
von yren buchstaben vñd stubirn/ von des Kaisers hoffhal-
ten/ geschmuck vñd verstand/ von heeres krafft/ von zucht
vñd leer/ von gesetzen vñd burgerlichen satzungen. Im
fünfften/ von den dingen so die Religion betreffen/ als do
seind hochzeitliche fest/ zierd der kirchen/ Zer der Begreb-
nüs/ herlikheit der hochzeitten/ vñnd der Mönche leben/
welche mit vnēdelicher anzal in Clöstern beschlossen seind

Paulus Iouinus
interpretes.

Dise Bücher werden kürzlich in die lateinische zungen
gebracht werden/ Den der durchleuchtig herr/ Martinus
von Portugal/ des Königs von Portugal Legat/ solchs zu

f

thun bevolchen hat Paulo Jouis dem Geschicht vnd Histo-
ri schreiber / welcher / auch diese brieff des Kaisers David
auffs treulichst ins latein gebracht hat.

**Vberantwortung der Brieffe beyder Königen/
durch yre Botschafften dem Babst / zu Bononia/
in offentlichem Consistorio.**

Im. M. D. XXXij Jar / im ersten Monat / als beyeinā
der waren zu Bononia die Obristen heupter der Christen-
heit / vnser heyligster vatter Babst Clemens der Sibende /
vnd Carolus der fünfft / Römischer Kaiser / alzeit Augustus
Ist erschienen der hochwürdig vñ durchleuchtig herr / Don Don Martinus
von Portugal. Martinus von Portugal / ein Neue / Rath vñ Botschafft
des durchleuchtigsten Fürsten vnd herrn / hern Johansen /
Königs von Portugal / zu gemeltem vnserm heyligsten va-
ter widderumb gesant / vñ hat mit sich gebracht / herrn Frā-
ciscum Aluaretz / den Orator vñnd Botschafft des durch-
leuchtigsten Königs der Moren / mit namen David / den
man gemeinlich heisset Preteiannes / oder Priester Johā /
welcher vom selbigen König gesandt ist zu gemeltem vn-
serm heyligsten vatter / yne zu grüssen / zu eeren / vñnd yme
nach gewonheit andrer Christlicher Könige gehorsam zu
thun / wie solchs hernach aus beyder Königen brieffen an
Hebfliche heyligkeit / volkomlicher wirdt gesehē werde.

Disen ist Rath vñnd ein offen Consistorium gehalten
worden / am. xxix. tag Januarij / an welchem / nachdē der
der hochwürdigst Cardinal vō Trient / der vom durchleuch-
tigsten Fürsten vnd herrn / herrn Ferdinando Römischen Cardinal von
Trient. König ic. gesandt eben auff die selbigen zeit gen Bono-
nia kame / empfangen was. Nachmals seind dise zweert
Botschaffter von Portugal vnd Morenland mit grosser
nachvolge in das Consistorium kohnen / beyde mit Ler er-
bietung vnd knyende. Erstlich hat des Königes von Por-
tugal Botschafft / seines Königes brieffe sampt den Ab-
schriefften der Brieffe des gemeltē Morenköniges / zu yme

B ij

vnd zu seinem hochlöblicher gedechtnis / vattern / König Emanuel geschriben. Darnach des Morenkönigs Botschafft zween seynes Königes brieffe Vebstlicher heyligkeit vberantwort. Hat auch ein geschenck / nêlich ein Gûlden Creutz / fast eins pfunds schwer / in seines Königes namen dar gebracht / hat Erstlich den fuß / darnach die hand seiner heyligkeit geküßt / zu letzt zum kuss des munds nach gewonheit empfangen.

Diese Brieffe in Moischer sprach geschriben / seind Erstlich in Portugalsch / nachmals in lateinische sprach verdolmatscht / welche Brieffe alle sampt / durch Vebstlicher heyligkeit innersten Secretariê seind nacheinander / wie hernachvolget / vorlesen / vnnnd vor allen in öffentlichem Consistorio außgesagt worden.

Volget der Brieff des Königs von Portugal an
Babst Clemens den Siebenden.

Ein Brieff des durchleuchtigsten Königs von
Portugal an Babst Clemens den Sibenden.

In allerheyligstem vatter in Christo vnnnd seligstem herrn. Derselbigen heyligkeit andechtigster Sonn / Johannes / vonn Gots gnaden König zu Portugal vn̄ der Algabern / diffet vn̄ herdisset des Meers in Aphrica / Ein herr Guinee / der außstürmüg / der Schiffart / des gewerbs in der More / Araber / Persier vn̄ Indier lannd / nach demütigstem kussenn der heyligenn fuesse. Heyligster vatter in Christo vn̄ seligster herr / König Emanuel / mein herr vnd vatter / als er zugemüthe fasset / wie an genhem es Got sein würde / wo die ferristen land der Moren vnd Indiern (welche allein durch gerücht / vnd dasselbig zweifflich / gebort waren) durch künstliche Schiffart mit heerschiffen der Cristen ersucht wurden / hat er bald im anfang seins angenommenen Königreichs viel seiner Haupteleute vnd vnderthanen / zuerforschen derselbigen land ort vnd yfer / mit starcken vnnnd wolgerüsten heerschiffen auß

Ein löblich vnd
selig vornehmē
des Königs Emanuel.

gesandt / Nemlich / das die Machometaner vnd Heyden
 derselbigen land / solten die warheit Christlicher Religion
 erkennen / vnd daneben / so der weg eröffnet were / auch an
 dere völgker gefunden würden / welche Christum vor einē
 Got eeren / wie dann nach wahn der menschen / das mā
 sie finden möchte / gesaget würde. Vnd also ist nach
 Göttlichem willen das gang land Guinea glückseliglich
 durchwandert worden. In welchem der König von Ma
 nicongo / mit grossen völgkeren / so yhm vnderthan seind
 welcher sich vnter seinē gwalt vñ gehorsam gethan hatte
 ist mit angenommener heyligen Tauff Christi worden. Es
 seind auch viel andere völgker inn landen Indie / Persidis
 vnd Arabie / durch vleys vnd andacht der vnsern / zu Christ
 lichem glauben gefuert worden / vnd noch teglich andere
 vnd andere Nation welche die warheit langsamer erkant
 haben / werden durch Exempel der andern zu Christo bekant.

Wiewol er aber in solchen aufrihtungen seer grossen
 schaden empfangen hatte / in verliesung der schiffe / derē
 hauptleute / der Edlen Ritter vnd seiner vnderthanē / hat
 er doch von disem fürnemen hoch löblicher gütlichkeit nicht
 abgelassen / wie eym gütigen Christliche König gezymet
 Vnd also / do vnser heerschiff im selbigē lauff das rote Meer
 er durch drang / ist befunden / dz es zuuor nie mit Christlich
 en heerschiffen sey geschifft worden / denn es fast alles in
 der Türcken gwalt was. Vnd zu letzt nach langē vñ schar
 pfen kriegē / ist ein weg erfunde / der do füert zu dem mech
 tigste König des Moren lands den man gemeinlich Pre
 tehyam (auff teutsch Priester Johann) nennet / welcher
 mit allen völgkeren seiner königreichen / Christum eert. zu
 disem hat der König / mein vatter / von stundan Boetlich
 afft geschickt / auff das er gezogen würde zum gehorsā des
 haylige Apostolischen Stuls / vnd durch bequeme anslagūg
 vnterricht / das dein heylkeit in. S. Peters Stul sesse / vñ
 sey der eynige Statthalter Christi auff erden / welchem alle
 Christliche Könige gehorsam pflegten zuthū mit höchster

Das lant Guine
 a ist christe wor
 den vnd viel an
 dredarnach.

Erfindung des
 wegs zu priester
 Johan der Mos
 ren König.

König Johann
von Portugal.

Ererbietung. Nicht lang darnach / derselbig Morenkönig / als er die Botschafft widerrib abfertiget / hat er auch ein eygne vnd des lands geborne botschafft mit gesand das er solt mit beuelch zu ym kohnen. Got hat aber in milder zeit / meins vatters Seel zu sich in hymel zu teil hafftigkeit der heyligen glorien genohmē. So aber wir an sein Stat seind getreten / haben wir on allen verzug vleys gethan / mit vnsern hauptleuten / die in India waren / auff das der selbig Morenkönig vorstendiget würde von des Königs meines vatters todt / weil wir gentzlich wolte hinaus furen volnbringen die ding / welche mein vatter fast löblich hett angefangen / welchs derselbige Morenkönig gros achtend / sein Botschafft zu vns gesandt hat / welcher noch an vnserm hoffist / vnd mit ym Franciscum Aluarez vnsern Capellan / welcher einer ist aus den ihenigē die mein vatter zu ym gesandt hatte. Diesen Fränciscum Aluarez / sendt derselbig Morenkönig gen Rhom / das er soll in seinem vnd yeglicher seynere Königreiche nahmen / deiner heyligkeit gehorsam thun. Welchen wir bißher auff gehalten haben / das wir aus vil vsachen wolten / das er ziehen solte mit Martino von portugal / vnserm liebsten Nere vnd Rath / vnd zu deiner heyligkeit vnserm Orator welchem wir beuolhen haben / das er den selbigen Franciscum Aluarez / des gedachten Morenkönigs Orator / solte deine heyligkeit gehorsam zu thon / presentiren / vnd alles / was desselbigen Morenkönigs Orator / zu vns gesand / brechte / eröffnen / vnd die Copeyen der Brieffe desselbigen Königs an vns / deiner heyligkeit zeigen / Derhalben wirdt vns dein heyligkeit ein seer angenehm ding thun wenn sie demselbigen vnserm Orator / in disen dinge ganz vollen glauben gibt. Vnd ist warlich Got dem almechtigē höchsten danck billich zusagē / das zurzeit des Vabstthumbs deiner heyligkeit / diese merckliche gnad von Gott dein heyligkeit erlangt hat / das wir sehen / dē andern theil des Christlichen volcks (welcher theil in gröss der lande / nichts kleiner ist dann der vnser) vorwilligen vnd zustim-

Franciscus
Aluarez.

men mit gemeinem Chriſtlichen glauben / vnd mit der hey
ligen Römischen kirchen / vnd yr gehorſam leyſten. Wir ^{Danckſagung /}
ſagen Got auch vmb des willen groſſen danck / das er in ſo ^{göttlicher gnade}
groſſem zugang dieſes Königs / hat vnſers vleysß gebrau
chen wöllen. Deñ zu lob rechter guttikeit mag nichts löb
lichers ſein / dann das man ſehe / das Morenland in einig
keit Chriſtlicher profeſſion mit vnſerm Europa voreinigt
Vnſer Got vnd herr / wölle dein heyligkeit in viel jarn auffſ
ſeliglichſt bewaren / vnd mehren nach wunſch. Geben zu
Settunal am xxviij. May. M. D. xxxij.

El Rey.

Volgt hiernach der Sendbriefſ des Moren
Königs an herrn Emanuel / hochlöblicher
gedechtnüß / König zu Portugal ic.

Ein briefſ des durchleuchtigſten Fürſten vnd
herrn David / des Moren Königs / den mā gemein
lich nennt pretehyam / auffteuſch / Prieſter Johann / an
herrn Emanuel / hochlöblicher gedechtnüß / König zu
portugal ic.

Bekentnüß der
heyiligen dreifalt
tigkait.

In namen Got des vatters / wie er ewiglich ge
weſt / dem kein anfang erfunden wirdt. Im nhamē
Got des eynigen Sohns / der ym gleich iſt / ee dan
geſehen worden iſt das licht der Sterne / ee dann er grüß
ſetzt dem groſſen Meer Oceano Aber zu einer andern zeit
iſt er empfangen worden im leiß einer Jungſrawen / on
männlichen ſamen vnd on hochzeit / denn auff dieſe weys
was die kunſt ſeines ampts. Im namen des Tröſters des
geiſts der heyligkeit / welcher weys alle heimliche ding die
do ſeint wo er zuvor geweſt iſt / Nemlich / alle höhe des
hymels / welcher on ſewlen vnd ſonder alle vnterſtützungē
erhalte wirdt / welcher das erdtrich erweytert hat / dz zuvor

Titel des moren
Königs.

Seul Sion Sam
en Jacob etc sein
name seiner vor
sarn vnnnd alten
Könige.

Titel des Königs
von Portugal.

nicht erschaffen noch erkant was / zu allen theilen / vom
auffgang zum nidergang vnd von mitternacht zu mittag
Vnd ist nicht dieser der erst ader der ander / Sonder es ist
die dreyfaltigkeit / voreinigt in einem ewigen Schöpffer al
ler dingen / von einem Rath allein / vnd einem wort durch
ewig zu ewig / Amen.

Disen Brieff sendt Aethani
Tinghil / das ist / weyrach der Jungfrawen / welchs der
nham ist vom Tauff / Derz aber im anfang des angenehme
nen Reichs / hat er angenommen den nhamen David / gelie
bet von Got / Ein Seul des glaubens / geborner des Stam
men Juda / ein Sohn David / ein sohn Salomonis / Ein
sohn der Sewln Syon / ein sohn des samten Jacobs / ein
Sohn von der hand Marie / ein Sohn Nahu durchs flei
sch / ein Kaiser des grossen vnd hohen Morenlands / gro
sser Königreichen / gebietten vnd landen Ein König vñ
Xoa / von Caffate / von Satigar / von Angore / von Baru /
von Bellenguangue / von Ahear / von Vangué / von Goza
me da der Nilus entspringt / von Amaia / von Baguemedi
von Ambra / von Vagne / von Tigri Nachon / von Saba
ym / daher die Königin von Saba was / von Bernegaes /
vnd ein herr biß an Egypten.

Dieser brieff wirdt
geschickt dē mechtigsten vnd trefflichstem König / allzeit
vberwinder / herrn Emanuel / welcher wonet in der liebe
Gottes / vnd bleibt bestendig vñ vhest im Chüßliche glau
ben Dem Sohn der Aposteln Petri vnd Pauli / dem König
zu Portugal vnd der Algarbern / dem freund der Chüsten /
dem veynd / Richter / Gepietter vnnnd bezwinger der Ma
chumetaner vnd Heyden in Affrica vnd Guinea / vom für
gebirg vnd Insel des Mons / des Rotten Meers / Arabie
Persidis vnd Armutie / des grossen Indie / vnd all yrer ort
am Meer / vnd aller Inseln vnd beyligender lender / dem
niderschlagel der Machumetaner vnd starcken Heydenn /
dem herren der Schlöffer / hoher Castellen vnd mauren /
dem ausbreitter des glaubens Jesu Chüsti.

Erid sey dir herr König Emanuel/der du mit hülf
Gottes ertötest die Machumetaner/vnd mit dei
nen heerschiffen/mit deinem Heer/mit deiner hau
pel eutē sie allenthalben gleich als vnglaubige hunde aus
treibest/ Frid sey mit der Königin / deinem gemahel/ der
freundin Jesu Christi/der dienerin Marie der Jungfrawē
die ein mutter ist des Seligmachers der ganze welt/ Frid
sey deynen Söhnen/ igt gleich als in einem grünen gartē
vnd blüenden lilgen/ein tisch mit speys bereyt/ Frid sey dei
nen Töchtern/ welch gezierd sein mit Kleidung als die pa
llast mit töppichen/ Frid sey deynen blutsuorwanten/die
aus samen der heyligen geborn sind wie die heylig schrift
spricht/ Die Sōne der heyligen seind gebenedeyt vñ gros
aussen vnd im hauß. Frid sey deinen Rathgebern vnd Am
pteuten/deinen Regenten vnd Rechtsprechern/ Frid dei
nen Haupteuten inn lägern vñd grenzen / vnd in allen
befestigungen. Frid allen Nationen / völgkern vnd Ste
then vñd allen Einwonern außgenommen die Machume
taner vnd die Jüden. Frid allen Pfarren / vnd alle die Cō
vnd dir getrew seind/ Amen.

Mancherley freu
wünschung.

Herr König vnd
mein lieber vatter Ich hab vornommē/nachdem meines
namens gerücht zu dir durch Mattheū vnsern Orator ge
bracht ist/ das du alsbald hast lassen zusamen fordern ein
grosse anzal der Erzbischoffe / Bischoffe vnd Prelaten /
welche von solcher Botschafft solten Got dancksagen vñ
das derselbe Mattheus sey mit höchster Zer vnd frölichkeit
entpfangen wordē/ douon ich wunderlich erfreut bin/ vñ
hab desgleichen Got gedanckt/welches auch mein volck
andechtiglich gethā hat. Ich hab aber schmerzen gehabt
als ich von diesen vorstanden hab/ das derselbige Matthe
us in seiner widersart / als er in meine grenzen eingingt/
im Closter zu Bisam gestorben ist. Ich aber hatt yn nicht
gesandt/ denn ich noch ein kind was von eylff iarn/vñd
hatte kaum des Reichs Scepter angenohmenn nach des
vatters todt/ Sonder die Königin Helena die ich an einer

Erst Botschafft
auß Morenland
in Portugal.

Matheus des mo-
ren Botschafft.

Botschafft des
grossen haupt-
mans zum Mo-
ren König.

Erfindung des
ports durch mi-
rachel.

Mutter Stadt ereret/ vnd die vor mich das Königreich regi-
ret. Derselbig Matheus was ein kauffman/ vñ hieß
Abraham/ Er hett ym aber dorumb einn neuen namē auff
gesetzt/ auff das er desto sicherer durch der Machumetaner
Land ziehen möchte. Er ist aber in Dabal von yhnen vor
ein Chriſten erkant/ vnd in kercker geworffen worden/ Als
er nu solchs Erweres heeres hauptman anzeiget/ hatt
derselbig starke Menner gesandt/ das sie den Chriſtē mē-
schen solten aus dem greulichen kercker erledigē/ zumoraus
als er vornomen hatte/ das er mein Botschafft were. vñ
also nachdem er von den henden der veynde ist entlediget
hat er yn in ewern schiffen lassen vor ewer angesicht vberfü-
eren. Derselbig Matheus hat von meiner wegen dir kö-
nig beuelch entdeckt hat auch widerumb hieher geschribē
das er sey Zerlich empfangen/ vnd heufflich mitt allerley
geschencken geeret worden. Welchs auch ewere Botē
des gleichen ansagten/ die der grofs hauptman ewerer
heerschiff/ Didacus Lopez vñ Tichera zu vns gesandt hat
Welche auch Brieffe vberantwortetē die do solt gebracht
haben Dwartes Galuanus/ welcher in der Insel Camero-
nis gestorben ist/ Als ich dieselbigen Brieffe gesehen hab
bin ich höchlich erfreuet/ vnd hab Got gedancet/ vñ gro-
ssen lust empfangen/ als ich vorn an der brust ewer Bot-
ten sahe gezeichnet das Creuz/ vnd als ich mit fragen erfur-
te/ das sie die gebreuche des Chriſtlichen glaubens hielten
Welche die allegerechtfen seind. Vnd diß hat mich
mit sonderlicher andacht hefftiglich bewegt/ das ich vors
name/ das erfunden ist der weg in Morenland/ Nicht on
wunderzeichen/ denn sie sagten/ wie das der hauptman
des heerschiffs/ nachdem er lang was im Arabischē Meer
vmbgefarn/ vnd deshalben verzweyfelt zusinden vnsern
port/ hab er wollen widerumb in India schiffen/ von we-
gen der grausamen vngestümkeit des Meers/ Do sey zu
morgens früe ein rot Creuz am hymel gesehen worden/ wel-
chs die Schiff leut gegrüßet/ vnd haben die Schiff auff

denselbigen theil gewendet / vnnnd also durch anzeignung
 Gottes sey vnser port erfunden worden / welchs bey mir
 für ein Mirackel gesehen wirdt. Vnd warlich soll derselbe
 Hauptman Got seer lieb sein / nachdem wir sehen / das ym
 so gros glückseligkeit vorlihen ist / die vor ym keiner hat vñ
 Got erwerben mögen. Es ist aber vñ diser Botschafft
 die wir zu einander haben / von alters her gesaget vñ Pro- Ein alte prophe
cy
 pheten im buch von leben vnd leiden S. Victors / vnd in
 büchern der heyligen Vätter / das ein grosser Christlicher
 König solt mit dem König des Morenlands mit gutthem
 frid vbereyn komenn. Ich meinete aber nicht / das es yhr
 tagenn meines lebens geschehenn solt. Aber Gott wustet
 es gewiß / auff das sein name gelobt würde / der die Bots-
 schafft zu mir gebracht hat / auff das auch ich möcht dess
 gleichenn sendenn zu dir meinem vatter in Christo vnnnd
 freunde / damit wir seind in einem glauben / nachdem ich
 von keinem andern christliche König Botschafft oder ge-
 wisse kundtschafft gehabt hab.

Bissher seind vmb mich gewest die Machumetaner /
 kinder Machumetis / vnnnd die Heyden / vnnnd andre seind
 knechte die Gott nicht erkennen. Vnd andre / die holz vñ
 ferner ehren. Vnd andre / die die Sonnen anbeten. Vnnnd
 andre / die die Schlangen für Götter halten. Mit disen
 hab ich nie frid gehabt / den sie wöllen nicht komenn zu der
 warheit / vñ ich verkündiget inen den glauben vergebens
 igt aber beruhe ich / vnd Gott hat mir ruhe geschickt mit vnglaubige mac
humetaner vnd
heyden.
 meinen vnd deinen feinden. Denn in meinen Grenz
 en wen ich gewapnet wider sie ziehe / so wenden sie mir dz
 angesicht vnd den rücken / vnd meine hauptleut vñ kriegs
 knecht erlangē Sieg von inen im selbe. Ich erzürne auch
 damit Got nicht / wie der psalter spricht / Vnd Got erfül-
 let die begirde der Könige die do recht bitten. Dis gehöret
 auch nicht zu vnserm lob / den Got sol man danck sagenn.
 Der ist / der euch die welt geben / vñ das land der Heyden
 ewiglich verlihen hat / vnd der andern lande / welche seind

Siege des Mo-
ren Königs wid-
der ihn.

vonn ewren grengenn biß zu anfang des Morenlands.
 Derhalben ich Got grossen danck sage vnd verkündig sein
 höchste macht/weyl ich hoff das derselbigenn völkler kin-
 der/welche in dein gepiet komē/werden on zweyffel die
 warheit des glaubens erkenē. Darumb gib ich Got danck/
 vnd hoff/das ewre Sōne vnd ich vñ ihr werden vns höch-
 lich frewen von glückseligem fūrgang derselbigen ding.
 Vñ yr solt Got on vnterlaß bitten/biß er euch gnad gebe
 zuerobern den heyligen Tempel zu Jerusalem/welcher ist
 im gewalt der feinde Christi/der Machumetaner/der Hei-
 den vnd der kēzer. Vñ wen yr diß verbringe so wirdt ewer
 haupt ganz vol werden alles lobs.

Aber auß der zal der gesandten/die zu mir kamen mit ob-
 gemeltem Macho/seind drey vergangen. Vnd der grof-
 hauptman ewers heerschiffs ist kommē bey Mazua in ein
 gesprech mit dem König von Bernagais welcher mein-
 em gepiet vnterworffen ist/vnd hat alsbald Botschafft zu
 mir gesandt/vnd grosse geschenck welche mir seer lieb ge-
 weßt/aber ewer Name dunckt mich köstlicher dan all Ed-
 elgestein vñ schätze. Wir wollen aber diß faren lassen / vñ
 vnter vns betrachten wie wir möchten angreiffen vnd ge-
 winnen die andern lande der vnglaubigen.

Herlichs erbietē
 der hülffe wider
 die vnglaubigen

Ich wil warlich gebē Tausentmal hundert tausent lot
 Golt/vnd soniel tausent kriegsleut. Item/materien / ey-
 sen vnd kupffer/die heerschiffe zubawen vnnd zu zurüsten.
 Wil auch ein grosse notturfft der Prouiande verschaffen/
 wir wöllen freunlich zusam kommen. Vñ weil es meiner
 gewonheit vnd wirdikeit nicht ist/Botschafft sendē vmb
 frid zubegern vnd du hast in erslich von mir rein ersucht/
 war zumachen die wort Christi/denn es steet geschriben/
 Selig seind die fuesse/welche frid bringenn. Vñnd ich bin
 deßhalbenn darzu bereyt/nach weiß der Aposteln/welche
 warē einmüttig vñ eines hertzes. O König vñ mein lieber
 Vatter Emanuel/der eynige Gott wölle dich gesunde ha-
 ben vñ behaltē/welcher ist ein Got des hymels/vñ allzeit

eines wesens/ der weber jungh noch alt wirdt. Der
ihenig/ so von dir Botschafft her gebracht hat/ heisst Ro- Lob des Francis
dericus Linia/ Obirster vnter den besten männern der ci Aluarez.
Botschafft / vnd mit ym Franciscus Aluarez / den ich vñ
wegen seines guthen lebens vñ sonderlicher Gothesforcht
vnd gerechtikeit/ seer lieb gehabt hab / Am aller meistent
das er vom glauben mit warhafftigsten worten gefragt/
auffs geschicklichst antwortet. Vnd also soltu ym erhöhen
vnd Meister heissen/ vnd ym das Ampt geben / zubetern
die Völgter von Mazua/ von Delaca/ von zeitlag vñ aller
Inseln des Rothen Meers/ denn sie seind in grenzen mei-
ner Reiche/ Vnd ich hab yhm vorlihen ein Creuz vnd ein
Stab/ zu ein zeichen des gwalts / Vnd also vorschaff du/
das ym solchs vorlihen/ vnd er Bischoff derselbigen lande
vnd Inseln gemacht werde/ denn ers würdig ist / vnd ge-
schickt / in diesem Ampt zudienen. Vnd Gott würdt
dir viel guths thun/ das du allweg starck sehest wider der
ne veynde/ vnd das du sie zwingest für deine süesse zufallē
Got wölle dir das leben erlengern/ vnd dich theilhaftig
machen des hymelreichs an der bestē stat wie ich für mich
selbs wünschen wolt Ich hab viel guths vñ dir mit ohren
gehört/ vnd sehe es mit augen / die ich gar nicht glaubett
zusehen. Got wölle es alles vom guthen zum bessern glück-
lich köhmen lassen / vnd Ewer stat sey vber dem holz des
lebens/ da die stat der heiligen ist/ Amen. Ich sende
aber meinen beuelch durch bruder Cristoff Licanati/ wel-
cher meine begirde gegewertig wirt eröffnen. Ich sende
auch zum Römischen Babst obgemelten Franciscum Al-
uarez/ das er soll von meiner wegen gehorsam thun / wie
recht ist/ vnd ich wils von Euch begern/ wie ein kleiner
Sohn vom vatter/ vnd was yr geheissen habt/ das hab ich
gethan/ vnd wils thun/ wenn Ewere Botschafften köh-
men werden/ auff das wir treulich einander helfen/ Ich
wil aber yeglichem ewern gesandten/ die komen werden (wie
yr gethan habt) gen Mazua ader gen Delaca/ vñ zum

point bey der enge des Roten Meers / geben vnd verschaffen zugeben / alles was yr zuthun werdt anzeigen / wie ich höchlich begere / das wir in Rathschlag vnd handlung der sachen glücklich vereinigt werden.

Wen nun Ewer kriegsvolck an dieselbigen ort kommen wirdt / so wil ich auch zeitlich mit meinen heerscharen da sein. Vnd weil an meinen grenzen niemand Christen ist / werden auch keine Kirche der Christen da gesehen / wil ich Ewren leuten die lande / welche zu nechst an der Machu metaner gebiet stossen / zu wohnen verleihen / auff das yr erwer angefangenne ding zu eim guten ende bringet.

Handwerker vñ
werckleuth ryhs
Morenland zu
senden.

In miter zeit solt yr mit senden Bildschnitzer / Goldschmide / vnd werckleut die in kupper / eyßen / zyn vnd bley arbeyten. Item Buchdrucker / die auff vnser sprach sollen für die Kirchen Bücher drucken. Item Goldschlaher vnd Maler die mit geschlagenem gold wissen andere Metall zu vbergülden. Dise sollen an meinē hoff auffs allererlichst gehalten werden / vñ wenn sie wöllen wegziehen / so will ich ynen herrlich lohn yrer arbeit bezale. Vnd schwere bey Got dem herrn Jesum Christum / Gottes Sohn / das ich sie will frey ziehen lassen / wenn sie wöllen.

Diß beger ich ganz tröstlich / weyl mir Ewer tugent be wert / vnd erwer güthe fast wol bekant ist. Vnnd ways / das ich von Euch seer geliebet bin / vñ hab das beste gewisser erkant / das yr Mathem von meiner wegen eerlich vnd reichlich empfangen vnd wider abgefertig hab. Derhalbē vnterstee ich mich zu erwerben solche ding. Es soll euch auch kein schand bringen / denn ich wills alles bezalen. Vñ was ein Son vom vatter begert / das soll nicht ab geschlagen werden. Ir seyt mein vatter / vñ ich ewer Sohn. Lasset vns mit einander voreinigt sein / wie ein ziegelftein mit dem andern in der mauer voreinigt vñ zu hauff gefüget wirt. Also wöllē wir zwen in einem herten vnd in der lieb Jesu Christi zu hauff stünnen / welcher ist das haupt der welt vñnd die jhemigen so mit ym seind / die werden vergleicht den ziez

den ziegelsteinen so in der mauer zu hauff gefüget seind/
Amen.

Ein ander Brieff des obgemelten König
Dauids in Moren land an den durchleuchtigsten
Fürsten vnd herrn/herrn Johansen König
zu Portugalic.

In name Gott des vatters des almechtigē/ Schöp
fer hymels vnd erdrichs vñ aller geschaffner dings
er/sichelichen vnd vnsichelichen. Im namen Gott
des Sohns Christi/ welcher ist der Sohn vñ der Rath vñ
der prophet des vatters. Im namen des heyligen geysts/
des lebendigen Gottes gleich dem vatter vnd dem Sohn
welcher geredt hat durch dē mund der propheten / mit ein
blasen vber die Aposteln/das sie sollen danck sagen vnd lo
ben die vollkomene dreysaltikeit/im hymel vnd auff erden.
im Meer vñnd in der tieffe/akeit/Amen. Sende disen
Brieff vñnd Botschafft Ich weyrach der Junckfrawen /
welchs mein name ist von der tauff / ietz aber hab ich mit
des Kaisertums Scepter angenommen den namen Dauid
geliebet von Gott/ein Seul des glaubens /ein stamm Ju
da/ein Sohn Dauids/ein sohn Salomonis/ein Sohn der
serwln Syon/ein Sohn des samēs Jacob ein Sohn vñ der
hād Marie/ein Sohn Nau durchs fleisch. Dem grōßten
mechtigsten vnd höchsten Johanni / König zu Portugal
vnd der Algarbern/dem Sohn des Königs Emanuel. Frid
sey dir/ vñnd die gnad vñsers herrn Jesu Christi sey mit dir
allzeit / Amen.

Zu der zeit/ do man mir saget vñ der macht des Königs
deines vatters/der die Machumethaner/des vnflertigsten
Machomets Sōne/bestritte/hab ich Gott groffen danck
gesagt/ von wegen des zunemens/ der grōße vñnd Crone
der behaltung im hauff der Christen. Hab auch höchsten
wollust empfangen aus zu kunfft der Botschafft/welche
des Königs wort zu mir gebracht habē. Aus welchem ein

Leyd der moren
vber dem tod **S**
mannelis.

Sonderliche lieb kundschaft vnd freundschaft zwüschen
vns gemacht ist / aus zürotten vnd zu vertreiben die böß-
hafftigen Machumetaner / vnd die vngleubigen heyden
welche zwüschen deinen vñ meinen künigreichen wone.

Also ich in diser freude was / hab ich gehort / das dein vnd
mein vatter sey gestorben / ehe denn ich die Botschafften
vonn himme widder zu yhm ab fertiget / des halbens mein
freud zu hand in trawerenn verkeret ist / Also das yhn disem
schmerzen meines hertzes / mit mir auffo beffreyget getrau-
ret vñnd leyd getragen haben die Edlen vnfers hoffs / die
Prelaten der kirchen / vñ die inn Clöstern seind. Endelich
all vnser vnderthanen / also das die freud der ersten Bots-
schafft mit der letzte traurikeit mocht vergleicht werden.

pilgram 3 mozt Herr / vñ anfang meiner Reiche biß hieher / ist kein Bot-
schafft noch eincher Bort / vom künig oder vom künigreich
von Portugal zu mir kommen. Allein von den Pilgramen /
welche aus gelübt vñ ynen selbst gen Jerusalem vñ Rom
waileten / vnd in mancherley land sich austrecken / erkün-
diget ich etliche ding / als ich sie fraget von sitten ewrer
Reiche. Hab aber nie gewisse Newe zeit tuge gehabt / dan
allein weil der künig dein vatter lebet / welcher zu mir ge-
sant hat seine hauptleut / vñ edelleut / sampt priestern vñ
diaconen / welche die ganzen zurichtung vñnd weys der
höchzeitlichen Mese her gebracht haben. Deshalb ich
seer höchlich erfrewet bin / vñ hab sie eerlich empfangen /
vñ nicht lang darnach abgefertigt / auff das sie wider auß
heym zögen mit Ler vñ frid. Vñ nach dem sie komē seind
zum port des Meers / der in meinen Grenzen ist im rothe
Meer / haben sie den grossen Hauptman des heerschiffs /
welchen dein vatter gesandt hatte / nicht funden / denn er
nicht erwartet hat / vñ hatte michs wissen lassen / das er
nicht warten möchte / weyl ewer gewonheit were / allzeit
in dreyen jarn ein grossen hauptman des heerschiffs von
newem zuerwelen. In miter zeit ist ein ander / new erwel-
ter / herzu kommen / diser ursach halben hab die Botschaff

ter lenger verzogen denn von nöthen was. Ich sende
 aber die ihenigen/ welche ich zu deinem vnd meinem vater
 sendet mit meinem beuelch/ Des gleichen den ihenigē
 welchen ich zum Babst sende. O herr König/ mein lieber
 bruder/ merck auff vnd gibe vleys auff die freuntschafft/
 welche dein vatter zwüschen vns eröffnet hat / vnd sende
 offte Botten vnd brieffe denn ich dieselbigen seer herzlich
 zusehen begere/ als von meinē bruder / Den das ist billich
 weil wir beyde Christen sind/ Vñ die Machumetaner/ die
 böß sind/ in yhrer Sect allzeit einmütig seind/ Vndt izt
 bekenē ich das ich hinfort nicht zulassen wil des egyptische
 Königs Botschafften auch nicht andrer Königen welche
 offtmals Botschafften zu mir sendeten/ Sonder allein
 deiner höhe Botschafften/welcher zukunfft ich seer höch-
 lich wünsche. Denn die Machometischen Könige/
 halten mich nicht an eins freunds stat/von zwitracht we-
 gen in der Religion/Sonder sie tichten sich als freunde/
 auff das sie deste sicherer vnd freyer kaufmāschafft mit vns
 treiben/ danon sie grossen nutz erlangen/ Denn sie eyn gro-
 ße Summa Goldes/ des sie seer begyrig seind / aus meinen
 Königreichen tragen/ So sie mir doch wenig freund seind
 vnd yhr nutz mir kein freund bringet/ Diß hat man aber leidē
 müssen/ denn es vnserer vorigen Könige alte gewonheit
 ist. Wiewol ich sie nicht bekriegen oder gar schlage / vnd
 achte/ das ich mich des enthalten soll / auff das sie nicht
 dargegen zerstören vnd zerbrechen denn heiligen Tempel
 in Jerusalem / in welchem das begrebnüß ist Jesu Christi
 welchs Got in der gwalt der vnſletigste Machumetaner
 gelassen hat. Vnd des gleichen andre Kirchen umbkerten
 welche seind in Egypten vnd in Syria / Diß ist die ursach
 warumb ich sie nicht angreiff vnd bekriege/ welchs mich
 fast seer verdreufft/ Ich acht es auch mir dorüb desleichenli-
 cher zuthun/ weyl ich keinen Christlichen König hab / an
 mich grenzend/der mir hülffe vnd mein hertz ergetzet
 Mein lieber König/ ich mag mich gar nicht ſchewen vonn
 den Christlichen Königen / weyl ich hör / das sie gar nicht

Tuglich gewerb
 vnd hantierung
 bey den Moren.

Flag vber die vn-
 einſeit s Christē

in einem hertzen sich vorgeleich/ das auch krieg vnder in
sind/ Ir solt alle mit einander in einer fridsamkeit einmü-
ttig sein/ Den ir solt vnter euch mit gewisser vorbuntnis
zufriden sein/ Vnd warlich wenn ein Christlicher König
mit Grenzen an mich stiesse/ wolt ich nicht eine stund vñ
yhm weichen/ Vñnd von diesem stück weys ich gar nicht
was ich sagen adder thun soll/ weyl solche ding von Got
geordenet gesehen werden. Mein lieber herr/ sende
(bitt ich) oftmals bote zu mir/ den wen ich deine Brief
sehe/ so anschaw ich warlich dein angesicht/ Den grössere
freundschaft ent springt vnter den ferren vñ weytten/ dz
vnter den nahenden/ von wegen der begyrde die sie haben
Denn welcher verborgene Schatz hat/ so sie das aug nicht
sihet/ hat er sie allzeit im hertzen seer hefftiglich lieb/ wie
der herr Jesus Christus im Euangelio spricht/ wo dein
schatz/ da ist dein hertz/ Also ist mein hertz bey dir weyl du
mein schatz bist/ vñ du solt des gleichenn mich deinem
schatz machen/ vñ dein hertz mit meinem reyn zuhauff fü-
gen. O herr bruder behalt diß wort/ denn du der klüg-
ste bist/ vñ wie ich hör/ in weisheit vbertriffstu deinen
vatter. Vñ als ich diß erkant hab/ als bald hab ich Gott
dancck gesagt/ die traurikeit hingeleget/ vñ freud angeno-
men/ vñ gesprochen. Gebenedeyt sey du weisse Sohn/ der
Sohn des grossen haupts des Königs Emanuel/ welcher
gefessen ist im Thron seiner Königreiche/ Mei lieber herr
schaw/ das du nicht müede werdest/ weil du starck mütig
bist nicht anderst dan dei vatter Du solt auch nicht schwa-
che macht erzeigen widder die Machumetaner vñ heyde
denn vormittelst Götlicher hülffe wirstu sie leichtlich mit
deiner krafft vberstreitten vñ verderben/ vñ sprich nicht
das dir von deinem vatter kleine macht gelassen sey/ denn
sie warlich gros genug ist/ vñ Got wirdt dir allzeit bey-
steen. Ich hab manne/ gold/ prouiant/ gleich als sãd
des Meers vñ sterne des hymels wenn wir mit einander
voreiniget seind/ wollen wir die ganze Barbarey der Ma-

chumetaner verderben/ Ich beger auch nichts anders von
dir/ dann erfarme menner/ die mein kriegs volgt mit wa-
ffen anrichten/ vnd vnderweisen/ ordnung zuhalten/ vñ
du König bist ein man von volkomenem alter. Der könig
Salomon nam das Regiment an im zwölfften jar seines
alters/ vnd hatte grosse macht/ vnd ist auch weyser gewest
dann sein vatter/ Des gleichen ich/ do nahu mein vatter
verschiede/ blieb e ein knab von eylff iarn/ vnd als ich inn
meines vatters Stul getreten bin/ hab ich/ aus gnaden
Gottes/ grössere reichthümer vnd macht vberkomen/ dā
er/ denn in meiner hand seind alle vmbliegende völgker vñ
königreich. Dorum sollt wir beyde Gott danck sagen
für so grosse gutthat von yhm empfangen.

Gib mir
deine oren/ bruder vnd her/ denn das begere ich von dir
mit einem wort/ das mir künstiger vnd werckleut gesand
werden/ welche wissen zumache Bilder/ gedruckte bücher
schwerd/ vnd allerley waffen zu krieg. Item werckmeister
zimmerleut vnd ärzt/ die do wissen tranck zumachen/ vñnd
wunden zuheylen. Ich beger auch zuhaben die ihenigen/
so gold in dünne bletter schlagen/ vnd die in gold vnd sil-
ber künstlich austechen können/ Auch die ihenigen/ die
wissen gold vñnd silber aus den adern des erdrichs graben
vnd die allerley metall wissen zugraben vnd zuarbeitē. Ne-
ben disen sollt mir auch lieb sein die/ welche mit bley deck-
en/ vnd welche wissen aus freyden ziegel zumachen/ End-
lich wolt ich allerley werckleut gebrauchen/ zumoraus die
mit Büchsen wissen umbzugeen. Hilff mir (bitt ich) inn
disen dingen/ wie ein bruder seinem bruder/ so würdt dir
Got auch helfen/ vnd von allem vbel erledigen.

Got
wölle dein gepet vnd begern erhören/ wie er auffgenomē
hat die heyligen opffer zu aller zeit/ vñnd vornemlich die
opffer Abels/ vnd Noe do er ist in der Arch gewest/ Vñnd
des Abrahams/ do er was im land Madiā/ vnd des Isaac
do er abzoge vom graben des Eydes/ vñnd des Jacob im
hause Bethlehem/ vñnd des Moyses in Egypten/ vñnd

Tröstliche hilff
wider die vnglen-
bigen.

Künstiger/ vnd
werckleut.

Angenehme opff-
er der alten.

des Aaron auff dē Berg / vnd des Jefon des Sohns Nan
in Galgala / vnd des Gedeon vber der schlacht / vnd des Sa
muel prophetens in Rhama / vnd des Danids Lacira / vñ
des Salomon in der stadt Gabeon / vnd des Helie auff dē
berg Carmelo / do er erwecket den Sohn der witwe / einer
frawē von Richa vberm born / vñ des Josaphat im streyt /
Vnd des Manasse / do er hatte gesundiget vnd sich zu Got
bekeert / vnd des Daniel in der hōle der lawen / Vnd der
dreyen gesellen Sydrach / Misach vnd Abdenago im ofen
des fers / Vnd der Anna vor dem altar / Vnd des Neemia
der die mawer mit zorobabel gemacht hat / Vnd des Na
tathia mit den Söhnen vber den vierden theil der welch:
Vnd von Esau vber die benedeyung . Also herr wirdt Got
auff nemen deine opffer vnd gepet / vnd dir helffen / vñnd
für dich steen wider alle verkerūg zu aller zeit vnd alle tag.

Frid sey mit dir / vnd ich vmbfahē dich mit den armē
der heylkeit / vnd des gleichē vmbfahē ich yegliche / die dir
seind von heiligen Rethen des Reichs Portugal / Irē die
Erzbischoffe vnd Bischoffe / die Priester vnd Diacō / des
gleichen mann vnd frawen . Die gnad Gottes vnd die Be
nedeyung der Jungfrawen Marie der mutter gottes / sey
mit dir vñ mi allen / Amen .

Der erst Brieff des obgemelte König Dauids
in Noienland / an Babst Clemens den Siebenden
durch Franciscū Aluarez seinē Orator vberantwort.

Titel vñ lob des
Babsts.

Seligster heyliger Vatter / der du von Gott geordnet
bist ein heyligmacher der völker / vnd Sanct Pe
ters Stul innen hast / dir seind gegeben die schlüs
sel des Reichs der hymeln / vñnd alles was du bindest oder
auflösest auff erden / das wirdt gebunden vñnd aufgelöst
sein inn hymeln . Wie Christus gesprochen hat / vñnd also
im Euangelio schreibe Mathews . Ich König / welches na
men die lawen voreeren / vñ von Gots gnad heiss ich Alas

Titel des Morz
Königs wie oben

ni Tinghill / das ist / weyrach der Jungfrauen / welcher na-
men ist von der Tauff / ietzt aber im anfang des angenome-
nen Reichs hab ich angenomē den namē David / geliebet
von Gott / ein Seul des glaubens / ein geborner des stāmē
Juda ein Sohn Davids / ein sohn Salomonis / ein Sohn
der seult Syon / ein sohn von der hand Marie / ein Sohn
Nau durchs fleisch / ein Kaiser des grossen vñ hohen Mo-
renlands / grosser königreichen / gepietē vñ landē / ein Kö-
nig vō Roa / vō Caffate / von Satigar / vō Angote / vō Bas-
ru / vō Bellignague / vō Adeon / von Danguē / von Gozame
do der Tilus etspingte / vō Amara / vō Baguēmidri vō A-
mbra / vō Vagne vō Tigrimahō / von Sabaym / do her die
Königin Sabba gewest ist / von Bernegaes / vñd ein herr
biß an Egypten.

Die selbigen land alle seind
in meinem gewalt / vñd etlich viel andre / grosse vñ kleine
/ welche igt von mir gar nicht erzelt werden. Vñd ich hab
diese Reich vñnd lande mit yhren nahmen außgedruckt /
nicht als durch hoffart vñd eytel Eere geratzt / Sonder vō
des wegen das der höchst Gott deste mehr vñnd mehr ge-
lobt werde / welcher aus sonderlicher gütlichkeit / so viel der
grösten königreiche vñd gepiette verlihen hat meinen vor-
igen Königen Chrißlicher Religion. Hat aber mich war-
lich scheinparlicherer gnade vñter andern Königen würdig
gemacht / das ich der Religion on vñnderlaß dienen solt.
Denn er hat mich gemacht ein herrn Adel / ein veynd der
Machumetaner vñ der Heyden / welche anbeten die Ab-
götter. Ich sende zu küssen die füesse ewer heylkeit / nach
gewöheit andrer des Chrißlichen glaubens Königen / mei-
ner Brüdern / welchen ich nichts geringer bin weder in
Religio noch in mechtigkeit. Den ich meinen Königreich-
en bin ein Sewl glaubens / vñnd hab nicht beystandt von
ausländischer hülffe / so ich allein in Gott hoffnung vñnd
hülffe setze.

Welcher mich erhellt vñnd regirt /
vō der zeit an / do der Engel Gottes Philippū angesprochē
hat / das er solt den glaubenn leeren den Eunuchum der
mehreigen Königin Candacio der Königin des Moren

Gott ist höchlich
südancken.

Die Horen sind
Christen vñ zeit
her der Apostel.

Göttliche hülff.

Welsche bene-
diction.

Der Tempel zu
Jerusalem.

lands / welche von Jerusalem nach Gaza rayset. Zur selbsti-
gen zeit hat philippus den Eunuchum getaufft / vnd der
Eunuchus inlezt die Königin mit eym grossen theil yres
gfindes vnd yres volcks / welche nie auffgehort haben /
Christen zu sein / vnd alle nachfolgende zeit / seind sie vhest
vnd starck gestanden im glauben. Aber meine Vorsarn die
kein andre dan Göttliche hülff gehabt haben den glauben
in seer weythe Königreich ausgebreyt / welchs auch ich te-
glich zuthun vntersee. Den ich bleibe innerhalb den
grösten enden vñ Grenzen meiner Königreiche / als eim
Law / mit grossen wald vmbgeben vnd vmbzeunet / wider
der die vmbszigenden Machumetaner vnd andre Nationen
die de Christlichen glaube gang seynd seind / welche nicht
höien wollen das wort Gottes / auch nicht meine vorna-
men. Vnd ich mit dem Schwerdt vngürtet / verfolge
sie / vnd ausstosse sie gemach mit der zeit / tröste mich Göt-
licher hülffe / welche mir nimmermehr gebricht / welches mit
andern Christlichen Königen anderst zu geet. Denn wenn
sie die ende yhrer Königreiche ausbreitten / das mögen sie
leichtlich erlangen / weyl einer dem andern hülffe thut vñ
beystandt / werden auch geholffen mit Benediction ewer
heyligkeit. Welcher ich theilhaftig bin / So
in meinen büchern befunden werden Brieffe / welche in
vorigen gezeiten der Babst Eugenius mit der Benedic-
tion gesandt hat zum König des Samen Jacob / welcher
Benediction von yhm empfangen / vñnd durch hand vbers-
raicht / gebrauch ich / vnd erfrewe mich höchlich. Ich hal-
te aber in grosser Ehre den heyligen Tempel zu Jerusalem
zu welchem ich seer oft sende gepürliche opffer durch vnser
walbrüder / Ich wolt auch noch viel inder vñ fettere sen-
den / wo nicht die wege vñ den Machumetanern / vnd von
andern vngleubigen belagert würden. Denn neben dem /
das sie vnser Geschenck vñ Schätze den Botten abraubt
lassen sie die selbstigen auch nicht frey durch ziehen Wo die
strassen würde geöffnet / wolt ich in freundschaft vñ kumb-
schafft

schafft der Römischen Kirchen komen / wie geschicht vñ
andern Chrißlichen Königen. So ich in Chrißlicher Re-
ligion nicht minder oder geringer bin dann sie / vñ also ei-
nen rechtē glauben / vñ eyne kirchen bekenne / wie sie glau-
ben. Vñ glaube auffß reynist in die aller heyligste dreysal-
tigkeit / vñ in einen Got / vñ die Jungfrawschafft vnser
lieben frawen / der Jungfrawen Marie / vñ halte vñ be-
ware die Artickeln des glaubens / wie die von Aposteln zu-
samen geschriben seind.

Jetztundt hat Gott der allmechtig des größten / mecht-
tigsten / vñ Chrißlichsten Königs Emanuelis Meerstraf-
sen eröffnet / das wir durch Botschafften zusamen kömme
vñ im Glauben voreiniget / Christen mit Christen / Gott
dienen sollen. Weyl aber seine Botschafften an meynem
hoff waren / ist Newe zeitung kömen / das er gestorben
sey / vñ das sein Sohn / mein Bruder / Johan / das Scep-
ter des väterlichen Königreichs hab angenommen. Der-
halbenn / wie ich auß des vatters tod höchsten schmerzen
entpfünde / also bin ich auß glückseliger annemmung des
Sons ins Königreich / wunderlich erfrewet. Also / das ich
hoffe / das wir mit gemeinen heerscharen vñnd treffen /
wöllen die Straf eröffnen durch die gegenden der östliche
Machumetaner / zu landt vñ auff dem Meer / vñnd inen
so großen schrecken vñnd forcht ein jagen / das wir sie auß
yhren Sigen vñ Königreichen werden austreiben / auff
das die Christe auff bequemer vñ fridlicher strasse Besuch
en den Tempel zu Jerusalem / vñ frey wandern mögen.

Vñ das ich zuvor aus / wie ich hefftiglich beger vñ
wünsche / möcht theilhaftig sein der Göttlichen liebe / im
Tempel der Aposteln petri vñ pauli / Ich beger aber mitt
grosser beggde zuerlangen die heyligen Benedictio vom Begyr nach der
Stathalter vnser herrn Jesu Christi Den on zweyfel ewer Benediction.
heyligkeit ist der stathalter Christi Vñ so ich vñnn wallbrü-
dern / die aus vnsern landen gen Jerusalem / vñ fortan gen
Rhom nicht on miracel ziehen vñ wider kñnen / viel vñ

erwer heylikeit höre / die mir vngleublichen wollust bringe
vnd freud / würde ich doch gantzlich viel grössere freud ent
pfahenn / wo meine bottschaft möchten ein kürzern weg
gebrauchen / vñ newe zeitung widerbringen / wie ich dan
hoff / das sie bringen sollen ehe dan ich sterbe / nicht on die
gnad Got des almechtigen / welcher euch in gesundheitt
vñ in heylikeit behalte / Amen Ich küsse aber die heyligen
füesse / vñ bitt demütiglich / das ewer heylikeit zu mir sen
de die Benediction.

Ein ander Brieff desselbigen König
Dauids in Morenland an Babst Clemens
den Siebenden / durch Franciscum
Aluarez vbersendet.

Erkenntniß der
dreyfaltigkeit.

In namen Got des vatters des almechtigen Schö
pffers hymels vnd Erdrichs / der sichelichen vñnd
unsichelichen. Im namen Got des Sohns Ihesu
Christi / welcher eins ist mit ym von anfang der welt / vñ
ist licht von licht / vnd warer Got von warem Got / Im
namen Gott des heyligen geists / des lebendigen Goths /
der ausgangen ist von Got dem vatter. Diesen Brieff
sende ich ein König / welches namen eeren die lawen / vñ
von Gottes gnaden heys ich Atani Tinghil / das ist / wey
rach der Jungfrawen / Ein Sohn des Königs David / ein
Sohn Salomonis / Ein Sohn des Königs durch die häd
Marie / Ein Sohn Nahu durchs fleisch / Ein Sohn der
heyligen Petri vñ pauli durch die gnad. Frid sey dir gerecht
er herr / heyliger vatter / du mechtiger / du reynen / du gehey
ligter / der du bist ein haupt aller Bischoffe / vnd fürchtest
niemants / weyl dir niemant fluchen mag / der du bist der
wachend ist versorger vber die Seelen / vnd ein freund der
walbrüder / ein geheyligter meister vnd vorkündiger des
glaubens / vnd deren dinger ein veynd / welche beleydigen
das gewissen / ein liebhaber der besten sitten / ein heyliger
man / den alle loben vnd benedeyen. O seliger heyliger vat

ter/ ich thue dir erwidiglich gehorsā/ weyl du bist ein fr̄d
aller Chriſten/ vnd vordienest alles guthes/ Vnd ist also bil
lich/ das dir alle gehorsam thun wie die heyligen Aposteln
gepieten bey Got/ das ist warlich ewer/ also gepieten sie
auch/ das wir sollen eeren die Bischoffe/ die Erzbischoffe
vnd die Prelaten/ Desgleichen/ das wir dich sollen liebsa
ben an stat eins vatters/ vñ fürchten an stat eins Königs
vñ dir/ als Got/ glauben geben.

Derhalben sprich
ich demutiglich/ mit gebogen knyen zu der erden/ dir heyl
liger vatter mit seer lauterm hertzen/ Das du mein vatter
bist/ Vnd ich dein Sohn/ O heyliger hirt/ du mechtigster
warumb haſtu niemant yrgen zu vns gesandt/ auff das du
gewisser von meinē lieben vñ heyl erkenneſt? weil du bist
der hirt vnd ich dein schaff/ denn ein guther hirt vergiſſt
nymer nicht seyner herte.

Ich sol auch nicht geachtet
werden/ als sey ich zuſerr/ von deinen gegenden/ Das die
Botten nicht mögen zu mir kōmen/ dieweil aus den fer
riſten Königreichen der landen/ der König von Portugal
Emanuel/ dein Sohn/ hat auffſ allerbequemist Botſchafft
te zu mir gesandt/ Vnd wo Got verzogen hette/ yn zu sich
in hymel zuſeruffen/ so hetten dieweil/ die wir dazumal in
handlung hetten/ on zweyfel einen glückseligen aufgang
gehaßt.

Nūd aber wünsch ich aller meist/ glückliche
vñ heylſame ding vō ewer heylkeit durch gewisse botten
zuhören/ denn ich noch nie kein wort von ewer heylkeit
entpfangen hab/ weil ich allein vonn den vnſern/ die aus
gelūd ober land wallen/ etliche ding gehort habe/ weil
aber die nicht in meinen nahmen ausziehen/ vnnd keinen
brieff von euch herbringen/ So wir sie fragen/ ſagē sie vns
mit vngewiſſem glauben/ das sie zu Jerusalem yr glūd be
zalt/ darnach zubesuchen die geschwele der Aposteln/ gen
Rhom kōmen ſeind/ dieweil sie vornehmen/ das mā leich
tlich an deſelbigen ort kōmen mag/ so sie von Chriſte wer
den ingehalten. Vnnd warlich höchſten wolluſt nym ich
aus yren reden dan ich mit süeſſeſten gedancken das bild

Belgrde zu beſſ
licher botſchafft

Pilgram der mo
ren gen Rhom.

Hertzliche bit zu
freundschaft.

Ein Brief des
Pabsts Eugeni
us an den Mor
tönig.

nüs deines heiligen antlitz anschawe welches mir gesehen
wirdt seer gleich eins Engels gestalt / vñ bekenne / das ichs
liebe vñ ehre als ein Englisch bildnüs. Es were mir abes
warlich angemer vñnd wunsamer / deine wort vñ deine
brief auff's allerandechtigst zuschawen. Vnd also bitt ich
dich igund / das du wöllest deinen Botten mit der Bene
diction zu mir senden / zu erfrewen mein hertz / Den so wir
in der Religion vñ im gläubē einmütig seind / dückt mich
diß vor allen dingen zubegerē / vñ bitte auch demütiglich
das du wöllest mein freundschaft / gleich wie eyn ring de
du an finger steckest / vñ wie ein güldenes band welches du
auff die achseln legest / in dein hertz hinlegen / auff das mei
gedechtnüs nimermehr aus erwer gemüte außgetilget
werde. Den vmb sonst wachset die freundschaft durch wort
vnd brieff am allermeisten / wenn sie der heylige frid vmb
fahet / doraus alle menschliche freud leichtlich köhmet / De
gleich wie eyner / den hefftiglich dürstet / am allermeisten
kalt wasser begert / wie in der heyligenn Schrieffte stehet /
Also pflegt mein gemüte vngleubliche freude entpfahen
aus Botschaften vñ brieffen / die aus den ferriesten landē
gebracht werden / Vnd nicht allein / so ich von Ewer hey
ligkeit etwas höre / Sonder auch so von yeglichen königē /
des Christen lands / ettwas gewisses gesaget würde / wolt
ich hoch erfrewet werden / als geschicht den ihenigen / die
in streyten gros raub vnd gutt finden vnd aufflesen / Diß
mag nu gar leichtlich geschehen / nachdem der König vō
Portugal diese ganze strafs eröffnet hat / der nu langst sei
ne Botschaften zu vns gesandt mit gestrengstē Ritters
weyl mein vatter / könig Emanuel / noch im leben was /
Wir haben aber weder zur selbē zeit noch endlich darnach
von einichem Chrißlichē könig / ader auch vō Pabst selbs
Botschaftē ader einche brieff entpfangen. Wiewol
wir in vnsern Bäckertasten vnser alten Großvatters fin
den gedechtnüs der Brieffe / die der Römisch Pabst / mit
nahmen Eugenius / in diese lande gesandt hat do regnirte

der samen Jacob/ ein könig aller künige im ganzen Mo-
renland/ ein könig der zupürchrenn was. Die vorschriefft
des brieffs was dise. Eugenius Römischer Babst/ vn-
sern lieben Sohn dem könig aus dem samen Jacob/ dem
könig aller künige im ganze Morenlād/ seer hoch zupürch-
ten. In summa aber des brieffs/ zeigt er an/ das sein
sohn Joann Paleologus/ der vor zweyen jarn gestorben
was ein Römischer Kaiser/ sey berufft worden zuhaltē ein
heylig Concilium/ vnd sey mit ym kohnen Josephus der
Patriarch zu Constantinopel/ mit einer grossen anzal der
Erzbischoffe/ Bischoffe/ vnd allerley prelaten/ Vnter wel-
chen anch gewesen seyen Anwalde der Patriarchē zu Antio-
chia/ zu Alexandria/ vnd zu Jerusalem/ welch alle/ sich mit
ym in der liebe des heyligen glaubens vñ Religion vbesti-
glich voreinigt haben / Vnd so einigkeit der Kirchen sey
auffgericht seye alle beschwernis voriger zeit hinwegt ge-
nomē/ nicht sonder Götliche hülff/ welche yrrig vnd der
Religion zu widder gesehen wurden. Mit welchen dingē
so ordentlich beschlossen vñ auffgericht seind / hab err/ der
Babst/ allen ein sonderliche freud geboren.

Conciliū zu Slo-
renz mit den Rō-
mischen.

Dise
Buch des Babsts Eugenij sendenn wir zu euch/ das wir
vnuerruckt behalten haben. Wir hetten auch die ganze or-
dnung vnd gwalt der Besßlichen Benediction gesandt
wenn nicht das Buch solcher dinger viel zu gros gesehen
würde/ weyles in der größe genzlich vbertrifft das buch
Pauli zum heyden. Die Legatē aber/ welche dise ding vom
Babst zu vns gebracht haben/ seind gewesen / Theodorus /
Petrus/ Didymus vñ Georgius/ knechte Jesu Christi. Du
aber heyligster vatter wirst recht thun/ so du heissest ewere
Bücher aussuchen/ da dieser dingen / von denē wir schrei-
ben/ einiche gedechtnis (wie ich leichtlich erachte) befü-
den werde.

Die Botten Eue-
genij.

Dorumb soltu es/ heyliger vatter/ vbesti-
glich da für halten/ wo du ettwas zu vns schreiben wirst /
das es alles auffs vleissigst inn vnserē Bücher soll zubauff
geschriben werden/ auff das vnsern nachkomen derselbigē

bingē ein ewig gedechtnis gelassen werde/ Vnd warlich
 wirdt der von mir selig geachtet/welches gedechtnis/inn
 schriften vorfasset/bewart vñ behalten wirdt in der heylig
 en stat Rhom/ vñ im Stul der heiligen Petri vnd Pauli
 Denn diese seind herrn des Reichs der hymeln vñ Richter
 der ganzen welt/ Vnd die weil ich also glaub/ sende ich
 desßhalben disen brieff/auff das mir gnad bereyt werde bey
 ewer heyligkeit vnd bey ewerm heyligsten rath/ damit mir
 heylige benedeyung daher komme/vnd aller guther dinger
 zunemung. Ich bitt auch vleissiglich Ewer heylig
 keit/ das sie mir wöll senden etliche Bildnus der heyligē/
 zuor aus der heyligen Jungfrawen Marie/auff das ewer
 heyligkeit nahmen seer offte sey in meinem mund vnd in mei
 ner gedechtnis/ vñ ich stethen wollust aus ewern geschē
 cken entspāhe. Desßhalben ich auch hefftiglich begere das
 yr mir wöllt handwercker senden/welche Bilde machē/
 vñ die Schwerdt vñ allerley streitwaffē wissen zuformiren.
 Item Goldschmid/ die in gold vnd silber ausstechen/ Itē
 symerlent/zuor aus werckmeister/welche wissen steynene
 hewser zußawen Bleyen vñ kuppere dach zumachē Es sol
 len vns auch die ihenigen seer lieb sein/welche könnē gle
 ser machen/ vnd welche wissen in der Musika Instrumen
 ta zu machen vñ drauff zuschlahen Item pfeiffer vñ busau
 ner. Diese künstiger wolt ich vornehmlich aus ewerm
 haufs mir zugesandt werdē. Aber wo dieser in ewrem haus
 ein kleine menge ist/ mag sie ewer heyligkeit vom andern
 köningen/ ewern Söhnen/erwerben. Sintemal sie ewerm
 gepiet vñ willen leichtlich gehorchen. Die selbigen/wen
 sie zu mir könnē/ sollen sie nach vordienst in höchster ehre
 gehalten werden/vñ sollen grossen lohn aus meiner mildē
 keit entspāhen. Vñ so einer begert widerum heym zuziehē
 soll er mit reycher belonung geziert/ wegt ziehen/ wie es
 ym gefellt. So ich keinen wider seinen willen behalten
 wil/ nachdē ich einche frucht aus seiner geschicklichkeit ent
 pfangen hab. Tu ist auff andre stück zukommen/ vnd

Allerley Künsti
 ger yns Moren
 land zusenden.

Vermanung der
 Christē zu ewig
 keit.

beger von dir/heyligster vatter/ zu wissen/warß du nicht
vormanest die Chrißlichen Könige/deine Söhne/das sie
hinlegen die waffen/ vnd vnter einander eyinig sein wölle
wie gebriedern zymet & nachdem du yr Hirt bist/ vñ sie de
ne schaff/ Dein heyligkeit ways ja seer wol was das Euang
gelium gepennt vnd spricht / Ein yeglich Reich/ widder
sichselbs geteilt/ wirdt verßört werden. Denn wo die Kö
nige mit den hertzē vnd gewisser verbündnis werde zusā
stimmen/ so werden sie alle Machumetaner gar leichtlich
vertilgē/ vñ werden des falschen propheten grab(welches
in der stat Meha ist) mit glücklichem einbrechen/zerßört
vñ zerreißen. Derhalben thue vleys / heyliger vatter/
das gutter friß vnder ynen werde vnd ein gewis verbünd
nis der freuntschafft auffgericht / vñ vormane sie / das sie
mir wölle beyßteen vñ helfen/ dieweilich inn grenzen
meiner Königreiche von Machumetanern den bößē men
schen/ auff allen seyten vmbgeben bin. Sie aber/die Ma
chumetaner/ helfen treulich an einander vnd kohnen zus
hauff widder mich/ König mit Königen/ Fürsten mit Für
sten/ treulich vnd ganz beständiglich. Einer aus de
Machumetanern ist mir seer naher/welchē seine Nachba
wern/ vmbligende Machumetaner / schickē waffē/ pferd
Rüßzeugt zukriegen/ das seind die Könige Indie/Persie
dis/ Arabie / vnd Egypti / Da von ich teglich ein sonderli
che betrüßnis entpfahē/ So ich sehe / das die feynde Chri
stlicher Religion in brüderlicher liebe voreiniget/ vnter
ynen gutten friß haben. Aber die Chrißliche Könige/ meine
brüder sich solche schmachheit garnichts lassen anfechten /
vñ mir gar keinen beyßtandē thun/ wie es doch warlich de
Chrißten wol gezimet/ nachdem die vnßetigsten kider des
Mahomets/ vnter yhnen also an einander helfen.
Vnd ich bin nicht der/ der viel kriegsvolgt dar zu begere
weil ich vbrig gnug kriegesvolgt hab. Ich beger allein
gepet vnd fürbitt/ vnd stat der gnade beyewer heyligkeit /
vñ wünschē/ das die Könige meine brüder seind/ Denn

diese freistafft mit euch mus ich suchen / auff das ich sey reichlich mit den dingen gerüstet / die ich oben begert hab zu eim schrecken den Nachumetanern / vnnnd das meinne Nachbarern vornemen / das die Könige Christlichs namens / meine brüder / mir mit sonderlichẽ vleys günstiger seind / vñ beystandt thun / welchs warlich zu gemeiner zier vñ ehre gehört / Sintemal wir in einer warheit der Religion vñ des glaubens seind einmütig . Vnd in diesem firmen wollen wir bleiben / welchs vhest vñ volkommenn sein wirdt / mit dem das nutzlichs draus komen wirdt. Gott wölle ewer begyrde erfüllen vber dem loß Jesu Christi vñ Gottes vnfers vatters / welchen alle menig lobet zu aller zeit. Vnd du herr heyliger vatter / vmbfah mich mit allen heyligen Jesu Christi / die zu Rom seind / Des gleichen sollen in diese vmbfahung genomen werden alle einwoner meiner Königreiche / vñ die im Morenland wonen vñ die gnad des herrn Jesu Christi sey mit deinem geist. Disen Brief wirdt dein heyligkeit entpfahen von der hand meines bruders Joannis des Königs / des mechtigstem Königs Emanuelis Sohns / durch vnsern Oratorem Franciscum Aluarez.

Ende der Brieffe des Morenkönigs.

Summa des begirrens von wegen des Morenkönigs.

Was nach vorlesenen brieffen in Consistorio geredt vñ geantwort ist.

Als nu diese Brieffe sind ausgelesen / hat derselb Orator Franciscus Aluarez diese nachuolgende wort in Portugalscher sprach / geredt / welche der Portugalsche bottschaft Secretarius / auff das sie von yderman möchtẽ vorkanden werden / lateinisch also aus gesprochen hat . Aller heyligster vñnd Seligster vatter / Der Durchleuchtigste vñnd Mechtigste Herr / David / König des grossen vñnd hohenn Morenlands / gemeinlich Pretehyam genant / furtrefflich / nicht weniger im Gottes dienst / der warenn Religion / dan im gepiet / in Reichthumben vñnd Königreichenn / hat disen seinenn Orator / mit disenn Brieffen /
die er

die er vberantwort hat / zu ewer heyligkeit geschickt / mit
diesem beuelch / das er solt der selbigen ewer heyligkeit ala
dem waren Stathalter Christi / dem Nachkommen S. Pe-
ters / vnd der gangen Kirchen Oberstem Bischoff / waren
gehorsam vnd vnderthenigkeit / von wegen seiner Ma-
iestat / vnd aller seiner Königreiche / demütiglich thun vnd
darbieten / wie er dan gethan hat. Solt auch vberreichen
derselben ewer heyligkeit ein klein geschenck / in eins gülde-
nen Creuzs Nücht nach dem werd vnnnd schatzung / welch
gering ist / Sonder nach vorehnung desselbigen Creuzs /
welchs vnser Herr Jesus Christus für vns angenommen
hat / sol von ewer heyligkeit geschätzt werden. Vnnnd bitt de-
mütiglich vō wegen desselbigen seines Fürsten / das ewer
heyligkeit diß alles mit gütigem vätterlichen willen von
ihrem andechtigsten Sohn wölle annehmen.

Auff welche wort der Secretarius vnser heylig
sten vatters / von seiner heyligkeit geheys / geant
wort hat / auff diese weyse.

Vnser heyligster herr / hat dich herr Franz Aluarez / des Besilliche ant-
wort
durchlechtigsten David Königs des Noienlands Bots-
schafft / sampt dem gehorsam / dem geschenck vnd Brieffe
die du gebracht hast / mit seer danck vnnnd gemüte / gütliche
willen / vnd vätterlichem hertzen angenohmē / Gott danck
sagende / das er zu seinen zeitten vorlihen hat / ym zu sehen
Brieffe vnnnd Botschafft eines so grossen vnnnd so ferren
Christlichen Königs / darumb er die Brieff vñ deine wort
vleißig vnd gern gehort hat. Vnd den gehorsam nimbt er
sampt seinē Erwürdigen brüdern der heyligen Römisch-
en Kirchen Cardinaln / gütlich an. Vnnnd das geschenck ist
im seer angemen / von wegen der Bildnis vnnnd ehre des
heyligen Creuzs / vnd von wegen der guthertzigen begyr-
de des der es gesandt hat. Aber den durchleuchtigsten König
von Portugal lobt er auffs höchste in Gott vnserm herrn /
das er neben andern seinen vnd seiner Vorektern gross vor

diensſt gegen gemeyner Chriſtenheit vñ Chriſtlichem glauben/ auch von diſem König David ſich wol verdient / ſo er ſich in freuntſchafft vñ gmeiſchafft mit ym voreinigt vñ verſchafft hat / das du mit diſen Brieffen zu ſeiner heyligkeit ſicher komen biſt. Was die andern ſtück betrifft/ will ſein heyligkeit allen vleys fürwenden/ damit den gürtigen begyrde des gemelten Königs/ als viel vō ym in ſo groſſer weytthe des ferren landes geſchehen mag / ein genüge beſchehe/ vñnd das der ſelbig allzeit vomercken ſoll / das er bey ſeiner heyligkeit / vñnd bey dem heyligen Apoſtoliſchen Stul/ vñter andern Chriſtlichen Fürſten / ſoll ſein an ſtat lieb vñnd ehre eines liebſten Sohns in Chriſto. Es wirdt auch ſein heyligkeit von diſen dinngen mit der Botſchafft von Portugal vñnd mit dir hie handeln/ vñnd durch Brieffe vñnd ſeine Botten wirdt er deynes Königs Maieſtat klerlicher auff yegliche puncten/ antworten.

Nach diſem iſt das Conſiſtorium auffgelaſſen.

Weythere vnterrichtung von dieſem

Norentönig/ in Summa.

Die mechtigkeit
diſſes Königes.

¶ Es iſt auch für gutt angeſehen/ was von dieſem Norentönig zu vnſern zeitten beſindenn iſt/ kürzlich in der Summa anzufahen Erſtlich/ das ſie yn nicht heißen Pretogiammen/ ader priester Johan (wie man in gemein ſagt) ſonder Gyam welchs auff yr ſprach heißt den mechtige das er der mechtigſte iſt/ der genennt wirdt ein König aller Könige/ der zugepieten hat lñj. Königreichen/ Das die ſelbigen Königreiche haben braitiſte grenzen / weytiſte land/ vñ die gröſten Meer/ Denn es ſtoſſt dran/ von Orient das Rot vñ Barbaſiſch Meer/ von mittag vñ nidergang das groſſe Meer Agiſimbus/ an welchem ort das lād heraus ſtreicht gegē mittag/ gleich als ein vorgebirg/ welches haupt heiſſet/ der gutten hoffnung / da ſchier an ſeinz end der Nilus entſpringt / vñ mit langſtem ſtram hernab

Nilus.

flusst in Egypten/ vñ macht vnter wegen Vil Inseln /
 vnter welchen die größte ist Neroe Seine grenzen gegē
 mitternacht seind Egyptus vñ Libya/ vñ das innerste li-
 bya gegem nidergang. Itē das der König inn grōßter Er-
 gehalten wirdt/ vñ ist so reich an leuten / das er auch in ei-
 kleinen getūmel eins kriegs mag rüste zehen mal hundert
 tausent manne/ vñ darneben fünff hundert elephantē/ vñ
 ein grosse anzal vō pferdē vñ Camelē Sie brauchē im krieg
 der viertleßterigē bogē des gleichē d̄ spießs/ bantzger vñ helm
 Seind reich vō Gold vñ andern metallē/ Mit leinwat vñ bomwoll
 gekleidet/ Destuchmachens vō wolle habē sie gar keine ge-
 brauch/ wiewol sie allenthalbē vil schaff habē / Sie barē
 die Ecker/ vñ haltē viech/ habē zweē Somer/ zweē schneide
 gebrauchē viel hiersch vñ gersten Etlich seē Sesamum
 etlich lochum/ das saltz graben sie wie die Araber / Haben
 viel Eybē vñ guaienholtz Lesen gewürtz pfeffer/ zymet vñ
 yngber. Jagen lawen/ parden/ einhorn/ vñ elephanten
 Sie rühmen sich / das sie die allereltesten menschen seind/
 aus disem Argument/ das sie einlander vñ im land geboren/
 vñ allezeit frey gewest. Das sie weder Semiramis/ Hercu-
 les/ ader Dionisius/ noch auch die Römer selbs / nie habē
 vberstreitten mögen/ Es ist auch Cambyfes/ der mechtig-
 ste König in Persia/ von yhnen vberwunden/ vñ des grō-
 ßten heeres beraubt worden. Sie sagen auch / das die Egy-
 pter von Moren herkohmen/ vñ das sie den brauch der
 buchstaßen vñ der Bylder/ die ziere der Königen / die be-
 grebnis/ vñ alle Burgerliche sitten von Moren entpfan-
 gen haben. Aber ein warerer vñ gerechter thū dises volcks
 ist/ das sie den Christlichen glauben/ baldnach seinem an-
 fang her/ durch den Eunuchum der Königin Cādacis / vō
 Philippo dem Apostel getaufft/ entpfangē/ vñ so viel hun-
 dert jar auffß aller bestendigst gehalten haben. Vñ
 wiewol sie in mitter zeit/ wie auch noch heut des tags/ s̄
 von Machumetanern vñ heyden/ gleich als mit einē netz/

Ein volkreich
land.

Sitten des Mo-
ren volcks.

Die Moren sint
nit vberwunden

Höchstes lob d̄
Moren in besten
stendigkait des
christlichglaub-
bens.

umbgeben / vñ vñ yn̄ geplatet vñ bekrieger / so hat doch
dasselbig vngestüm wetter des Machometers / welchs an
derswo das Römisch Reich sampt der Chastlichen Reli
gion des meisten theils zerstraut hat / das Moreland nicht
berauben mögen weder yhres gepiets noch yrer Religion
Vnd ist nicht wunder / weil dise Morekönig yr geschlecht
vñ herkommen zelen ab vom Dauid vñ Salomon / von wel
chen auch die heyligste Gottes gepererin die Jungfrau
Maria / vñ Christus selbs vnser seligmacher / herkompt.
Dem sey Eher vnd preys igt vnd ewiglich / Amen

Ein Sendbrieff des hochwirdigen herrn vnd
ratters / des Bischoffs der grossen stat Temirtitan / in de
grossen land der Newē welt / so durch die hauptleut Bay.
Ma. erfunden ist / an die vāter parfüsser Ordens in gemei
nem Capittel zu Colosa in Franckreich versamlet. 1532.

En wirdigen Vāter / wir laßē euch wissen das wir
in grosser vñ stetiger arbeit seind / beyden vngleu
bigen / sie zu Christo zubekeren. Aus welchen vor
mittelst Göttlicher genade / durch die hende vnserer brü
der des Ordens S. Francisci von geregulirter obseruanz /
getaufft wor den seind mehr dā zweymalhundert tausent
vñ funffzig tausent menschen. Funffhundert kirchen der
Abgötter zerstört / vñ mehr dan zwenzig tausent Bilde
der Teuffeln zerbrochen vñ verbrant / Denn an viel orten
seind auffgebarwet Kirchen vñ Capellen / dorin die schönē
vñ scheinbarlichen waffen des heyligen Creuzs seind auff
gericht / vñ von den selbigen leuthen angepetet.


Vnd in der grossen stat Temirtitan / darinne zumor
terlich (welchs erschrocklich zusagen ist) mehr dann zwē
zig tausent kinder / der kneblein vñ meydelein hergen / wur
den den Abgöttern geopffert / do opffern itzund die mēsch
lichen herzen / nicht den teuffeln / sonder Gott dem höchstē
vnd almechtigen / vnzeliche opffer des lobs / durch Christ
liche leer vnd gute exempel vnserer brüder. Gott sey allein

die Ler vnd preysß/welcher itz vnd von kindern der Indier
die wir bey vns haben/ wird erwidiglich angepetet / die
ym nu teglich dienen mit viel beten / fasten / weinen vnd
seufftzen. Den viel der selbigen kinder können gereyt wol
lesen / schreibē / singen vñ vnterschiedlich aussage. Reich-
seer oft vñ empfabē d; hochwirdig Sacrament auff; aller
andechtigste. Vorkündigen auch yhren Eltern das wort
Gottes wie sie es von vnsern brüdern haben. Steen auff
zur Ketten / vnd beten das ganz ampt aller tagzeiten vñ
vnser lieben frawē zu welcher sie sonderliche andacht ha-
ben. Die Gözenbilder yrer Eltern ausspehen sie meister-
lich / vnd bringen sie vnsern Brüdern Von des wege seind
ettliche von yren Eltern getödt / leben aber gekündet bey
Gott dem herren.

Ein yeglich haus der Brüder S. Francisci hat ein an-
der haus darneben / für die kinder zulerne / von den Indis-
schē werckleuten gebawet / mit einer lesestube / mit ein
schlaff haus / mit ein Refectorio / vñ mit einer andechtigē
Capellen. Vnd seind die lieben kinder seer demüthig / vñ
den brüdern gehorsam vnd lieben sie mehr dan die Eltern
seind keusch / warhafftig vnd gelirnig / zuuor aus in künsten
zu malen / vnd haben von Gott ein guete Seel erlanget.
Gott sey gebenedeyt in allen.

Unter den Brüdern / die der Indischen sprach berichte
seind / ist ein Leyenbruder / mit namen Petrus de Gante
welcher in der selbigen sprach seer bered ist / der vorsorget
mehr dann Sechs hundert jüngling / vnd ist yhr fürnem-
licher freyer / vnd gibt ynen an höchzeitlichen tagen / Jüg-
frawē zu der Ehe / mit grosser herlikheit / welche des Chri-
stlichen glaubens wol vnterricht seind. Denn die fraw Kai-
serin hat aus Hispania sechs gelerte vnd Lerliche weiber
dahin geschickt / vnd durch bueß gepotten / das man solte
barren ein haus so gros das die selbigen weiber / aus güst
des Bischoffs vo;samlet / mögen halten vnd leeren Thau-
sent Heydelein eines züchtigen wandels. Vnd also werdē

die selbigenn Indier mit wunderlicher weyse zum glau-
benn bekert/so die Meydelein vonn weibern / vnnnd die
Knaben vonn geystlichen mannen/ die erst anweysung des
glaubens begreyffen/vnd zulerzt yren Eltern / welche hey-
den seind/auch sagen vnnnd verkündigen/ was sie gelemet
haben.Das wol vō ynen weys gesaget hat David/ zu Gott
sprechende / Aus dem mund der vnmündigen vnd seugens-
den hastu volnbracht dein lob. Lebet wol in Christo yr lies-
ben Brüder vnd bittet/das Gott wölle das ihenige / so er
angefangen hat/durch sein gnad volnbungen.



Handwritten text, possibly a title or header.

1882

Handwritten text, possibly a date or location.

287

Handwritten text, possibly a date or location.

Handwritten text, possibly a title or header.

Handwritten text, possibly a date or location.

Handwritten text, possibly a title or header.

24

The King, the Queen, & the Princess.

Letter to the Duke of Devon, the Duke of Cornwall, &
the Duke of Somerset.

The King, the Queen, the Duke of Devon, the Duke of Cornwall, &
the Duke of Somerset.

7. 414


Harrold (1)


See Harrold 177

Notes above are in Mr. Harrold's hand.

DUPLICATE

301C





7533

7656

